



حركة التحرير الوطني الفلسطيني - فتح
إقليم استراليا



تمرّة رمضان

الحلزونية

(فطائر اللحمه بعجين الغزاوية)
يصنف هذا الطبق من المعجنات
. ومكوناته الأساسية هي :
(العجينة) دقيق + ماء + زيت
ذرة ملح.
(الحشوة) : لحمة مفرومة+يصل
مفروم + بهارات مشكلة.

العدد رقم 10

الماء الحميم

حم الماء أي سخن، والماء الحميم: شديد
الحراره شديد الغليان وفي قاموس
المعاني: الماء البالغ نهاية الحرارة
يقول تعالى في الآية رقم 15 من سورة
محمد:- بسم الله الرحمن الرحيم) وسقوا
ماءً حميماً فقطع أمعاءهم (صدق الله

عصير الجوافة

مكونات هذا العصير : ثمار جوافة + ماء + سكر حسب
الرغبة.
كما أن هناك ألواح من مجفف عصير الجوافة كانت
تجلب من مصر قديماً وهي شكلاً تشبه ألوان ممش
قمر الدين الشامية.





حركة التحرير الوطني الفلسطيني - فتح
إقليم استراليا



حكاوي
ستي

أخذ مش سرقة

يا ببي ما أزكى هالعنبات يا حليلة ومين أعطاك يا إياهن يا ستي؟ زاكيات كثير وحبتهن كبيرة والله أنا هيك بحب العنب حلو ما في شرش لحموضة بتحسي حالك قاعدة بتوكلي حلو. أه عنجد زاكيات يسلم إيديكي يا ستي بس برضه بدك تقولي مين أعطاك يا إياهن؟ بدك الصراحة يا تيتا أنا أخذت ما حديش أعطاني إياهن يعني عجبوني فقطفتهن من حالي وهاي الأرض يمكن لدار أبو أحمد أو لدار أبو سليمان شو بدريني ما عرفش بالزبط هذه أرض مين بس إذا بدك بروح أجيب كمان كم قطف قبل ما يلقطوها أصحابها شو قلت أروح أجيب قطفين واحد إلي وواحد إللك. يمه ما أقواكي يا حليلة قديش قلبك ميت وما بتخافي الله ما بصرش هالقد قوة، بالله عليك لو حدا مارق طريق وقد وبسّطت تحت التين إللي بالحاكورة وبلّش يفغم بالتينات وحدة ورا الثانية شو رح يكون رايك جنابك عادي ويمكن تعزميه على كباية شاي!

بدك تعرفي إيش إللي بنسميه أخذ من غير إذن بين بعضنا وإيش السرقة، إحنا ببلدنا بالأرض وبين البيوت ضيافتنا لبعض تعبانية تم أو ملات كف الإيد، هاي ضيافة بعادتنا وزى ما هي إللك هي كمان عليك والناس متعودة على إنه يذوقوا من شجر بعض وكمان إللي عباله حبة يوكلها أحسن ما ينفس الشجرة بعينه وتقوم الشجرة تمرض، وأكثر من هيذ ما بنكش العصافير لأنها بتوكل من الشجرة وبتدعي للشجرة وإللي زرعاها وأكيد إللي خلقها. وعشين هيذ فش سور بين أراضينا وشجرنا إنا كلنا بس كل واحد عارف إيش الحق وإيش بقدر يوخذ من جاره وإيش محرم عليه. وهلقيت يا ستي إذا بدك كمان كم قطف بدك تشتريه أو تبدليه؟ وأنا هذول العنبات أجن عبالى بدي إياكي تقومي تعبي سلة تين إخضاري وتروحي تسألي عمك مصطفى عن كرامة العنب لمين بعدينش تروحي تطلي على بيت أصحاب العنب وتقولى لهن: ستي حليلة بسلم عليكم وبدها كم قطف من عنبتكم، وهذي هدية من تيننا والله يديم الجيرة وصحنكم فيه طيبخنا وسلتنا إتلقطن إللكم، هيذ يا ستي بتصير توكلي وتشبعي لأنه أكل الأخذ زكي بس عمره ما كان بشبع.

لكسر الروتين!



ضعوا الحشيش
بدلاً من البخور في البيت
ستفرح كل العائلة يا ذن الله



www.jffra.com



حركة التحرير الوطني الفلسطيني - فتح
إقليم استراليا



خرافية

فيصل اليافي


بدنا نحكي قصة فيصل اليافي ابن الشيخ عبد ربه الشيخ إللي بتحلف يافا بكرمه وحب عمل الخير مع البشر والشجر والطير، كان الفقير إذا ما جاع يدق بابه ويلاقي أكلاته وكان الطير لما ينجرح ينام بستانه وهو عارفه أنه راح يلاقي دواه وأكلاته كمان سمك البحر كان ينظر شيخ عبد ربه تا يخلص صلاة الفجر ويوخذ شوال الخبز المكسر ويصير يطعمي بالسّمك مين من عاش بيافا بتذكره وبتذكر إنه الله بارك له رزقه وقد ما هو إمنيح مع عباده كان إمنيح مع ربه ودايما يسبح ويشكر ربه، وإللي الله بحبه بوخذه لعنده وقبل ما يموت الشيخ عبد ربه وصّى ابنه فيصل بالصلاة والعبادة وكمان وصّى يعمل مثل ما أبوه بيعمل مع الفقير والجريح وحتى مع سمك المي.

بعد ما مات الشيخ عبد ربه الناس ما حسّت إنه مات لأنه ابنه فيصل كان بيعمل كل إللي أبوه كان يعمل وزيادة كمان، وخص نص مع سمك البحر لأنه بحب يقعد الفجريات على الشط ويتفرج على السمك وهو بينظنط وبيوكل خبزاته المكسرات، وفي مرة من المرات إجي عليه بالليل طير أخضر كبير وكان إجناحه مكسور راح جاب له مجبر وجبر جناحه وحطه أكل وضمه سهران يبده الكدمات ويمسله ريشاته كأنه ابنه الزغير بعد كم يوم شاف الروح رجعت لطير والمجبر كاله خلص صار بقدر يطير وصار يهش بالطير تا يطير ما بده يطير وستحلى الطير بستان فيصل وضل قاعد فيه، وباض بيضة ذهبية قام فيصل كله أقعد عليها ودفينا مرده على راح فيصل حفر حفرة ودفنها وكال هيذ بضلها دافية تا يطلع الصوص، وصار كل يوم يدفن بيضة ذهبية.

ومرة لاقى فيصل زلمة فقيرة مقطوع ممعوط كاله تعال نام عندي تا ألقى لك غرفة تنام فيها ونيمه بالبستان مع الخدام، وثاني إنهار صحى فيصل ولقى الطير قاعد بيعط وملاقهوش بايضا سأل الزلمة الفقير شفت الطير وين باض ولّى كاله ما باض، وطلع الفقير من البستان ومعه البيضة الذهبية وراح على القاضي وشكى على فيصل كال فيصل ساحر وبده يحرق يافا؟ كام القاضي كاله أعطيني البرهان ففرجاه البيضة الذهبية والقاضي أمر أنه لازم يزتوا فيصل بنص البحر وهذا الفقير يوخذ كل أملاك فيصل، المهم راحوا العسكر وربطوا فيصل وحطوا بكيس وزتوه بنص البحر، تجمّع السمك حولين فيصل وصارن يوكنن بالكيس وعملن حالن مثل القارب وركبوا فيصل فوقهين تا وصلوه للشط، راح فيصل على داره وإلا لقى الزلمة نايم بتخته صار يطاوش فيه وإلا لمت الناس وإجي العسكر وشحطوا فيصل وربطوه بحديد وسلاسل وحطوه بكيس بقلب كيس وحكوا لصيادين زتوا بعيد بالبحر العميق، وهيذ صار ولما زتوه تجمّع السمك ورفعوا لفوق بس كان ثقيل كثير وصارن ينادن بسمك كل البحور تا يرفعوا فيصل وصارن يرفعن شوي بس يتعبن ينزلن الكيس يغرق مرة ثانية، وهن ضلن هيذ تا هلكن، وإلا ما شافن إلا هالطير الأخضر لكبير جاي وحمل الكيس معهن رفع كيس شوي عن المي وصار السمك إللي إله أسنان يقرطن بالسلاسل والحديد تا فكّن قيد فيصل عملن حالهن قارب وحطن فيصل بنصه وسبحن تا وصلن الشط، وإلا لقى القاضي والعسكر مستنيينه قام سأله القاضي بدك تحكي قصتك وإلا أمرهم يحرقوك بأرطك، وقف فيصل وكال للقاضي أنه أبوه علمه يعمل الخير مع البشر والسمك والطير، بس طلع عمل الخير مع هاظا الزلمة ناكر الجميل مش بمحله، أما مع السمك والطير يا محسنهن كانن بدهن يموتن تا ينفذوني، وهذه البيضات لهذا الطير لا بعتهن ولا سحرتهن أنا دفنتهن بلقن فقسن صيصان لإله بدل ما هو عايش وحيد، أمر القاضي بقتل الزلمة الكذاب بس فيصل توسط له وكال للقاضي بكفي إنك تحرمي عيش معنا بيافا لأنه كان بده يرحمني إياها.



حركة التحرير الوطني الفلسطيني - فتح
إقليم استراليا



رواية المصائر (كونشرتو الهولوكوست والنكبة)

- المؤلف: الروائي ربيعي المدهون.

- تقع الرواية في أربعة أقسام، يمثل كل منها إحدى حركات الكونشرتو وحين يصل النص إلى الحركة الرابعة والأخيرة، تبدأ الحكايات الأربع في التوالف والتكامل حول أسئلة النكبة، والهولوكوست، وحق العودة.

- الناشر: المؤسسة العربية للدراسات والنشر في بيروت

صدر

حديثا

فراشات فلسطين

الاسم العلمي

**Common Blue
(Polyommatus icarus)**

الأزرق الدارج: بوليوماتوس
إكارس

